

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԵՐԵՎԱՆ ՔԱՂԱՔԻ ԱՎԱԳԱՆԻ**

«-----» հունիսի 2014թ.

N----- -Ա

ՈՐՈՇՈՒՄ

ԳՈՒՅՔ ԸՆԴՈՒՆԵԼՈՒ ՄԱՍԻՆ

Ղեկավարվելով Հայաստանի Հանրապետության քաղաքացիական օրենսգրքի 594-րդ և 605-րդ հոդվածներով, հիմք ընդունելով Երևան համայնքի և «Էյ Ջի Դիվելոփմենթ» փակ բաժնետիրական ընկերության միջև 2014 թվականի հունիսի 4-ին կնքված «Գույքի նվիրաբերության նախնական» պայմանագիրը.

Երևան քաղաքի ավագանին որոշում է.

1. Որպես նվիրաբերություն ընդունել «Էյ Ջի Դիվելոփմենթ» փակ բաժնետիրական ընկերության սեփականությունը հանդիսացող Երևան քաղաքի Արգիշտիի փողոց 7/4 շենքի հ. 149 հասցեում գտնվող 71.6քմ մակերեսով պոմպակայանն իր սարքավորումներով՝ համաձայն հավելվածի:

Ց Ա Ն Կ

**«Էյ Ջի Դիվիլըփմենթ» ՓԲԸ-ի կողմից Երևան համայնքին նվիրաբերվող
 Երևան քաղաքի Արգիշտի 7/4 հասցեի պոմպակայանի գույքի**

Հ/Հ	Գույքի անվանումը	Չափման միավորը	Քանակը	Միավորի արժեքը	Ընդամենը
1	Պոմպակայան	քառ.մ	71.6	175 000	12 530 000
2	Պոմպ Grundfos Hydro Multi-S G2CR 10-8	հատ	1	4 710 000	4 710 000
3	Ճնշումային բաք 500լ BHT500	հատ	1	234 000	234 000
4	Ճնշումային բաք 300լ BHT300	հատ	1	156 000	156 000
Ընդամենը					17 630 000

Տ Ե Ղ Ե Կ Ա Ն Ք - Հ Ի Մ Ն Ա Վ Ո Ր ՈՒ Մ

**«ԳՈՒՅՔ ԸՆԴՈՒՆԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ
ՈՐՈՇՄԱՆ ՆԱԽԱԳԾԻ ՎԵՐԱԲԵՐՅԱԼ**

Քննարկվող նախագծով նախատեսվում է որպես Երևան համայնքի սեփականություն ընդունել «Էյ Ջի Դիվելոպմենթ» փակ բաժնետիրական ընկերության կողմից Երևան համայնքին նվիրաբերված Երևան քաղաքի Արգիշտիի 7/4 հասցեում գտնվող 71.6քմ մակերեսով պոմպակայանն իր սարքավորումներով:

Գույքը հանձնվում է Երևան համայնքին նվիրաբերությամբ Արգիշտիի 7/4 հասցեում գտնվող բազմաբնակարան բնակելի շենքի ջրամատակարարումն ապահովելու նպատակով:

Համաձայն Հայաստանի Հանրապետության քաղաքացիական օրենսգրքի 594-րդ հոդվածի 1-ին կետի՝ նվիրատվության պայմանագրով մի կողմը (նվիրատուն) մյուս կողմի (նվիրառուի) սեփականությանն անհատույց հանձնում է կամ պարտավորվում է հանձնել գույք կամ իրեն, կամ երրորդ անձին ուղղված գույքային իրավունք (պահանջ), կամ ազատում է, կամ պարտավորվում է նրան ազատել իր կամ երրորդ անձի հանդեպ ունեցած գույքային պարտավորությունից:

Ելնելով վերոգրյալից անհրաժեշտություն է առաջացել կայացնելու համապատասխան ավագանու որոշում:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

Տ Ե Ղ Ե Կ Ա Ն Ք

**«ԳՈՒՅՔ ԸՆԴՈՒՆԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ
ՆԱԽԱԳԾԻ ԸՆԴՈՒՆՄԱՆ ԱՌՆՉՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐԻ ԸՆԴՈՒՆՄԱՆ
ԱՆՀՐԱԺԵՇՏՈՒԹՅԱՆ ԿԱՍ ԲԱՑԱԿԱՅՈՒԹՅԱՆ ՄԱՍԻՆ**

Երևան քաղաքի ավագանու «Գույք ընդունելու մասին» որոշման նախագծի ընդունման առնչությամբ Երևանի քաղաքապետի որոշման ընդունման անհրաժեշտություն չի առաջանում:

Տ Ե Ղ Ե Կ Ա Ն Ք

**«ԳՈՒՅՔ ԸՆԴՈՒՆԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ
ՆԱԽԱԳԾԻ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԵՐԵՎԱՆ ՀԱՄԱՑՆՔԻ ԲՅՈՒՋԵԻ
ԵԿԱՍՈՒՏՆԵՐՈՒՄ ԵՎ ԾԱԽՍԵՐՈՒՄ ՍՊԱՍՎԵԼԻՔ ՓՈՓՈԽՈՒԹՅՈՒՆՆԵՐԻ
ՄԱՍԻՆ**

Երևան քաղաքի ավագանու «Գույք ընդունելու մասին» որոշման նախագծի ընդունման կապակցությամբ Երևան համայնքի բյուջեում եկամուտների և ծախսերի փոփոխություններ չեն սպասվում:

ԵՐԵՎԱՆԻ ՔԱՂԱՔԱՊԵՏ

Տ.ՄԱՐԳԱՐՅԱՆ